



INFORMACIJA O ORGANIZOVANOVANJU I FUNKCIONIRANJU SISTEMA ZAŠTITE I SPAŠAVANJA I ZAŠTITE OD POŽARA NA PODRUČJU OPĆINE TEŠANJ ZA 2014. GODINU

UVOD

Ova informacija ima za cilj da prikaže postojeće stanje organizovanosti snaga civilne zaštite i profesionalne vatrogasne jedinice i ukaže na aktivnosti koje je potrebno poduzimati na daljnjem organizovanju, razvoju i jačanju civilne zaštite i profesionalne vatrogasne jedinice na području općine Tešanj, u čemu značajno mjesto u provođenju politike, ciljeva i zadataka imaju Općinsko vijeće, Općinski načelnik, općinske službe i Općinska služba civilne zaštite.

Kako Informacija ima za cilj oslikavanje stanja organizovanosti zaštite i spašavanja i provođenje zaštite od požara, važno je znati da elemente njene strukture predstavljaju, osnovne snage u oblasti zaštite i spašavanja i druge snage (pravna lica, organi vlasti i druge institucije i građani). Članom 40. Zakona o zaštiti i spašavanju, utvrđeni su elementi organizacije civilne zaštite koja obuhvataju:

- a) ličnu i uzajamnu zaštitu građana,
- b) mjere zaštite i spašavanja,
- c) štabove civilne zaštite,
- d) službe zaštite i spašavanja,
- e) jedinice civilne zaštite,
- f) povjerenike civilne zaštite,
- g) rukovođenje i upotreba snaga i sredstava civilne zaštite.

I SISTEM ZAŠTITE I SPAŠAVANJA

1. ORGANIZOVANOST CIVILNE ZAŠTITE

a) lična i uzajamna zaštita građana:

Lična i uzajamna zaštita predstavlja jedan od elemenata civilne zaštite i namijenjena je za ličnu zaštitu građana, koju ostvaruju sami građani. Ona se sastoji se u tome, što je svaki građanin dužan prvenstveno preduzimati one mjere i aktivnosti da zaštiti i spasi sebe, svoje članove porodice i svoju imovinu, a ako bude u prilici i drugima da pruži neposrednu pomoć kojima je ta pomoć potrebna. Ovaj oblik zaštite trebao bi da se sprovodi u svim mjestima i sredinama u kojima građani žive i rade.

Obuka građana za ličnu i uzajamnu zaštitu, realizuje se i od strane organa za civilnu zaštitu. Ona se u pravilu ostvaruje u skladu sa članom 164. i 165. Zakona o zaštiti i spašavanju, a prema utvrđenom Nastavnom planu i programu obučavanja i osposobljavanja struktura sistema zaštite i spašavanja. Značaj ove vrste obuke je poseban, prvenstveno što građani u uslovima kada su ugroženi ljudski životi i materijalna dobra ne smiju biti pasivni promatrači događaja, već aktivni učesnici u zaštiti i spašavanju. Ista se u protekloj godini, realizovala u dijelu provođenja mjere zaštite i spašavanja od požara i drugih mjera i to sa:

- učenicima i nastavnicima osnovnih i srednjih škola,
- distribucija edukativnih plakata za učenike osnovnih škola, koja su distribuirana sa viših nivoa
- edukativna predavanja sa predsjednicima savjeta MZ u općini Tešanj, o značaju i zadacima CZ kao i ulozi organa MZ u provođenju aktivnosti i mjera zaštite i spašavanja.
- obavještanje putem medija o provođenju preventivnih mjera zaštite od požara i zaštiti od

neeksplodiranih ubojnih sredstava (NUS),

- kroz manifestaciju „OKTOBAR MJESEC- MJESEC ZAŠTITE OD POŽARA“ gdje je čitav mjesec posvećen zaštiti i spašavanju i zaštiti od požara.

U ostvarivanju navedene zaštite, značajno mjesto imale su i aktivnosti udruženja i organizacija poput Crvenog križa, dobrovoljnih vatrogasnih društava, gdje se putem istih provodi obuka školske i vanškolske omladine u pružanju prve medicinske pomoći, obuka, spoznaja i svijesnost postojanja mina i sl..

b) mjere zaštite i spašavanja:

Mjere zaštite i spašavanja su organizovane radnje i postupci preventivne i operativne prirode, koje pripremaju i provode organi vlasti i sva pravna lica (nosioci zaštite i spašavanja) u skladu sa članom 42. Zakona o zaštiti i spašavanju. Nosioci zaštite i spašavanja u toj oblasti, treba da planiraju i pripremaju:

1. Mjere i postupke od značaja za provođenje preventivne zaštite kao osnovnog vida sprečavanja nastajanja prirodne ili druge nesreće ili ublažavanja njenog djelovanja,
2. Mjere i postupke zaštite i spašavanja u slučaju postojanja neposredne opasnosti od nastajanja prirodnih i drugih nesreća,
3. Mjere i postupke zaštite i spašavanja tokom trajanja prirodnih i drugih nesreća i
4. Mjere i postupke za ublažavanje i otklanjanje posljedica od prirodnih i drugih nesreća.

Postojeći nivo razvoja sistema zaštite i spašavanja u općini teži ka svom napredovanju, tj. Služba civilne zaštite i Općinski štab civilne zaštite intezivno rade da se ovaj kompleksan sistem unaprijedi kroz opremanje prioritnim materijalnim sredstvima i potpunom neophodnih struktura za adekvatno provođenje mjera zaštite i spašavanja.

2. STANJE SNAGA PRIPREMA ORGANIZACIJE CIVILNE ZAŠTITE

a) Štab civilne zaštite:

Za rukovođenje akcijama zaštite i spašavanja na području općine, u skladu sa članom 106. Zakona o zaštiti i spašavanju, osnivaju se štabovi civilne zaštite. Štab civilne zaštite je operativno stručni organ civilne zaštite koji rukovodi upotrebom organizovanih snaga i sredstava civilne zaštite i odlučuju o provođenju mjera zaštite i spašavanja na ugroženom području u cilju zaštite i spašavanja ljudi i materijalnih dobara. Štab se angažuje onda kada nadležni organ vlasti (Općinski načelnik) proglasi nastanak neke prirodne ili druge nesreće, ili ako ista prijete području općine, pa do momenta kada nadležni organ vlasti proglasi da je prestalo stanje prirodne ili druge nesreće.

Rješnjem Općinskog načelnika formiran je Općinski štab civilne zaštite u skladu sa Uredbom o formiranju štabova civilne zaštite i Pravilnikom o načinu rada i funkcioniranju štabova i povjerenika civilne zaštite.

Organizovanost i popunjenost općinskog štaba civilne zaštite

Tabela br: 1

r/b	OPĆINA	POPUNJENOST				STAROSNA STRUKTURA				POL		STRUČNA SPREMA			PRIMJEDBA
		O S C Z	F O R M A C I J A	P O P U N J E N O	N I J E P U N J E N O	D o 3 5	3 - 4 5	4 - 6 0	O d - 6 0	M u š k i	Ž e n s k i	V S S	V Š	S S S	
1.	Tešanj	1	11	13	-	1	1	11	-	11	2	10	1	2	Realizovana obuka
UKUPNO		1	11	13	-	1	1	11	-	11	2	10	1	2	

Popuna Štaba materijalno-tehničkim sredstvima prema ličnim i materijalnim formacijama struktura civilne zaštite općine Tešanj nije izvršena u cjelini i predstavlja jednu od primarnih obaveza u narednom periodu.

Što se tiče štabova CZ mjesnih područja imamo definisanih 8 (osam) štabova CZ mjesnih područja koje po formaciji broje 40 pripadnika. Popunjeno je sa 36, nije popunjeno 4.

U narednom periodu neophodno je da Općinski štab CZ analizira "potrebe" organizovanosti štabova mjesnih područja, obzirom na funkciju povjerenika u MZ.

Štab CZ je u toku 2014. godine održao 9 vanrednih i 2 redovne sjednice. Za vrijeme poplave odnosno proglašenja stanja prirodne nesreće održano je 8 vanrednih sjednica i 1 u mjesecu avgustu. Na 2 redovne sjednice razmatrano je 10 tačaka koji su se odnosili na rad i funkcionisanje Štaba, na 9 vanrednih sjednica razmatrane su 22 tačke koje su se odnosile na provođenje mjera zaštite i spašavanja, te je svaki član iz svoje nadležnosti dobio i konkretna zaduženja koja su utvrđivana na sjednicama.

b) Službe zaštite i spašavanja

Službe zaštite i spašavanja predstavljaju poseban organizacioni oblik civilne zaštite i organizuju se na nivou općina i kantona, član 122. do 126. Zakona o zaštiti i spašavanju. Kroz sistem zaštite i spašavanja općine Tešanj, a u skladu sa Uredbom o organizovanju službi zaštite i spašavanja, organizovana je:

1. Služba prve medicinske pomoći,
2. Služba za zaštitu i spašavanje životinja,
3. Služba za spašavanje sa visina i iz ruševina i
4. Služba za asanaciju, čistoću i vodosnabdjevanje.
5. Služba zaštite od požara.

Njihovim formiranjem realizovan je dio Programa razvoja zaštite i spašavanja. Pojedinačnim sporazumima regulisane su međusobna prava i obaveze između općine Tešanj i pravnih lica, u pogledu donošenja njihovih Pravilnika o unutrašnjem organizovanju, izradi dokumenata /procedura/ o aktiviranju i angažovanju ovih snaga i MTS, a pojedinačnim ugovorima regulisane obaveza prema licima /spasiocima/ za slučaj njihovog angažovanja. Ovim su stvoreni uslovi za njihovo opremanje i osposobljavanje za moguće učešće u akcijama zaštite i spašavanja na području općine i šire.

Službe zaštite i spašavanja namijenjene su za vršenje poslova koji su u neposrednoj funkciji zaštite i spašavanja ljudi i materijalnih dobara od određenih vrsta prirodnih i drugih nesreća na području općine. Određene su u skladu sa Procjenom ugroženosti, Programom razvoja zaštite i spašavanja i Planom zaštite i spašavanja općine.

ORGANIZOVANOST I POPUNJENOST OPĆINSKIH SLUŽBI ZAŠTITE I SPAŠAVANJA

Tabela br: 2

O P Ć I N A	Naziv službe	Formacija		Popunjenost			Starosna struktura			Pol		Stručna sprema				
		Vod	Odjeljenje	Porformacija	popunjeno	Nedostaje	Do 35	35 - 45	45 - 60	Od 60	Muški	Ženski	VSS	VŠ	SSS	NSS
Tešanj	Služba zaštite i spašavanja iz ruševina	-	1	10	10	0	5	3	2	0	8	2	0	1	7	2
	Služba medicinske pomoći	1	-	30	30	0	3	6	15	6	15	15	8	1	20	1

j	Služba za zaštitu životinja	-	1	16	7	9	3	4	2	1	7	-	3	-	4	-
	Služba za asanaciju, vodosnabdjevanje i čistoću	1	-	41	41	0	7	20	11	0	40	1	4	0	21	16
	Služba zaštite od požara		2	19	19	0	9	9	1	0	19	0	-	-	19	-
	UKUPNO:	2	4	116	107	9	27	42	31	7	92	18	15	2	71	19

c) Jedinice civilne zaštite:

Jedinice civilne zaštite predstavljaju osnovnu organiziranu snagu civilne zaštite. Na osnovu članova 127. i 128. Zakona o zaštiti i spašavanju formiraju se, jedinice opće i specijalizovane namjene civilne zaštite. Vrste, veličina i broj ovih jedinica, utvrđuje se na osnovu procjene ugroženosti po ljude i materijalna dobra koje mogu nastati od prirodnih i drugih nesreća, kao i ljudskih, materijalnih i drugih mogućnosti kojima raspolažu općine.

ORGANIZOVANOST I POPUNJENOST JEDINICE OPĆE NAMJENE CIVILNE ZAŠTITE

Tabela br: 3.

O P Ć I N A	Naziv jedinice	Formacija		Popunjenost			Starosna struktura				Pol		Stručna Sprema			
		V o d	O d j e l j e n j e	P o f o r m a c i j i	p o p u n j e n o	N e d o s t a j e	D o 3 5	3 5 - 4 5	4 5 - 6 0	O d 6 0	M u š k i	Ž e n s k i	V S S	V Š	S S S	N S S
T e š a n j	Opće namjene	1	-	32	17	15	4	5	8	0	17	0	0	0	17	0
	UKUPNO:	1	-	32	17	15	4	5	8	0	17	0	0	0	17	0

Na području općine Tešanj formirana je samo jedinica opće namjene, a druge nisu iz razloga postojanja pet Službi zaštite i spašavanja.

d) Povjerenici civilne zaštite:

Povjerenik civilne zaštite je organ rukovođenja oličen u jednoj osobi i ovlašten da rukovodi aktivnostima zaštite i spašavanja u pogledu preduzimanja lične i uzajamne zaštite i provođenja mjera zaštite i spašavanja u dijelu naselja, stambenim zgradama i drugim sredinama u kojima se ne osniva štab civilne zaštite. Članom 118. Zakona o zaštiti i spašavanju, određeni su kriteriji za određivanje broja povjerenika i ko vrši njihovo postavljenje i razrješenje.

Izdavanjem rješenja o postavljenju povjerenika, proizilaze i međusobne obaveze između organa koji vrši postavljenje i lica koje se imenuje povjerenikom civilne zaštite, član 49. i 62. Pravilnika o načinu rada i funkcioniranja štabova i povjerenika civilne zaštite („Službene novine Federacije BiH“, br.77/06 i 5/07).

Svi povjerenici njih 125 koji su imenovani donošenjem rješenja Općinskog načelnika, takođe izvršena je i obuka svih povjerenika CZ, obzirom da isti predstavljaju jedan od bitnijih segmenata na relaciji građani i operativne snage civilne zaštite.

e) Općinska služba civilne zaštite

Općinska služba civilne zaštite, koja ima status službe za upravu nadležna je u obavljanju poslova prema odredbi člana 28. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH», br.: 39/03, 22/06 i 43/10“), člana 17. Zakona o zaštiti od požara i vatrogastvu („Službene novine ZDK”, br: 5/11) ,

Postojanje ove službe civilne zaštite je važno i nužno, posebno što su poslovi zaštite i spašavanja raznovrsni, obimni i od posebnog su značaja za općinu. Prvenstveno i iz razloga, što je ovaj sistem vrlo kompleksan, isprepleten mnoštvom propisa, a treba djelovati u složenim uvjetima prirodne i druge nesreće, kada su ugroženi ljudi i materijalna dobra na cijelom području općine, pa i šire.

Stanje popunjenosti općinske službe civilne zaštite :

PO SISTEMATIZACIJI	21
Pomoćnik Općinskog načelnika za CZ	1
Odjeljenje civilne zaštite	3
Odjeljenje zaštite od požara i vatrogastvo-PVJ	11
POPUNJENO	15

f) Operativni centar civilne zaštite „121“

U skladu sa odredbama člana 149. Zakona o zaštiti i spašavanju, operativni centri civilne zaštite treba da su organizovani u sastavu organa civilne zaštite. Oni su ovlašteni da stalno (24. sata neprekidno, svaki dan u sedmici – Kantonalni i Federalni operativni centar) prikupljaju podatke o svim pojavama i opasnostima sa područja za koje su osnovani. Operativni centar civilne zaštite Općine Tešanj prema Pravilniku o organizovanosti i funkcionisanju operativnih centara radi osam sati dnevno. Obzirom da su funkcionalno spojeni operativni centar civilne zaštite i vatrogasne jedinice, dojave i informacije na telefon „121“ mogu se primati 24 sata dnevno, što ga čini izdvojenog u odnosu na ostale općinske operativne centre u Federaciji. Podatke operativni centar prikuplja od svih subjekata iz oblasti privrede i društvenih djelatnosti i građana, putem jedinstvenog broja „121“. Prikupljeni podaci se obrađuju, klasifikuju i distribuiraju nadležnim organima vlasti, susjednim operativnim centrima i nadređenim operativnim centrima civilne zaštite.

Osnovni cilj uvođenja broja „121“ je koordinacija aktivnosti većeg broja subjekata u spašavanju života ljudi i imovine u slučaju svakodnevnih nesreća. Poseban značaj imaju u slučaju postojanja prirodne i druge nesreće kada vrše prenošenje naredbi i drugih akata rukovođenja i komandovanja štabava civilne zaštite. U perspektivi broj „121“ će se mijenjati u broj „112“ koji se koristi kao broj za hitni poziv u zemljama EU.

U protekloj godini Operativni centar civilne zaštite općine Tešanj prilikom proglašenja stanja prirodne nesreće-poplave radio je neprekidno 24 sata dok je trajalo stanje prirodne nepogode, a ukupno je imao 2612 poziva.

U protekloj godini za operativni centar nabavljena je digitalna oprema i to : 16 novih ručnih radio stanica, 1 repetitorski modul i 1 akumulator za modul čime je operativnost ovog centra i svih službi dignuta na viši nivo.

II ZAŠTITA OD POŽARA

1. UVOD

Zaštita od požara na području općine Tešanj je organizovana kroz Službu civilne zaštite odnosno Odjeljenje zaštite od požara i vatrogastva - profesionalna vatrogasna jedinica Tešanj, na osnovu Zakona o zaštiti od požara i vatrogastva (Sl. novine FBiH broj: 64/09), Zakona o zaštiti i spašavanju ljudi i materijalnih dobara (Sl. Novine FBiH broj: 39/03, 22/06 i 43/10) i Zakona o zaštiti od požara ZE-DO kantona (Sl. novine ZE-DO kantona broj: 5/11).

2. ORGANIZACIJA VATROGASTVA NA PODRUČJU OPĆINE TEŠANJ

Vatrogasne snage za obavljanje vatrogasne djelatnosti na području općine Tešanj su:

- Profesionalna vatrogasna jedinica Tešanj, koja predstavlja **osnovne snage** za vatrogastvo;
- Služba zaštite od požara, koja predstavlja **dopunske snage** za vatrogastvo;
- Dobrovoljne vatrogasne jedinice Dobrovoljnog vatrogasnog društva „Tešanj 1905“ i Dobrovoljnog vatrogasnog društva „Jelah“,

d) Operativni centar civilne zaštite općine, koji osigurava komunikacijsko – informacijsku podršku, vatrogasnoj jedinici, štabovima civilne zaštite i drugim organima koji rukovode akcijama zaštite i spašavanja na ugroženom području.

Na području općine Tešanj Vatrogasna jedinica, vrši sljedeće operativne i druge poslove:

- gasi požar i spašava ljude i materijalna dobra ugrožena požarom i eksplozijom na otvorenom prostoru,
- gasi šumske požare, požare na građevinama i materijalnim dobrima svih vlasnika i korisnika gdje god se požar pojavi,
- pruža tehničku pomoć u spašavanju ljudi u nezgodama izazvanim u saobraćaju (cestovni, jezerski i riječni), poplavama, spašavanju sa visina i drugim akcidentnim situacijama i nesrećama u kojima vatrogasna jedinica može pomoći u spašavanju ugroženih ljudi i materijalnih dobara,
- učestvuju u provođenju određenih preventivnih mjera zaštite od požara općine, a koje mogu provoditi profesionalne vatrogasne jedinice,
- pruža odgovarajuću pomoć u spašavanju ljudi i materijalnih dobara kod postojanja stanja prirodne i druge nesreće.
- Vatrogasna jedinica pored redovnih poslova spašavanja ljudi i imovine, svoj rad usmjerava na protivpožarnu preventivu: servisiranje aparata za početno gašenje požara,
- Vatrogasna jedinica takođe radi i usluge prijevoza i prodaje vode za stanovništvo, usluge rada kamiona ljestava za druga lica (usluge rada na visini), usluge prevoza određenih stvari i lica za Općinu ili neku drugu javnu ustanovu, pranje općinskih i drugih vozila ...

3. OPERATIVNO DJELOVANJE VATROGASACA

VATROGASTVO

Vatrogasna jedinica Tešanj u 2014. godini realizovala je svoje redovne obaveze na području općine Tešanj na površini od 163 km² i imala je **50 intervencija** gašenja požara i spašavanja ljudi i imovine.

Pored navedenog broja intervencija ova vatrogasna jedinica za vrijeme majskih poplava je bila u potpunosti angažovana sa svim svojim ljudstvom dok je trajalo stanje prirodne nepogode , a i nakon toga na otkanjanju posljedica nepogode i pomoći stanovništvu i sanaciji od posljedica poplave.

Rad u jedinici se odvija u smjenama po 12 sati uz stalno dežurstvo u vatrogasnoj jedinici 24 sata dnevno sa po **2 člana** smjene, Starješina grupe i vatrogasac (što je ispod minimuma i propisane vatrogasne taktike).

Pregled formacije PVJ Tešanj

Tabela: 4

RED. BR.	FUNKCIJA	POTREBNO	POPUNJENO	UK UPN O	STAROSNA STRUKTURA			
					Do 35	35-45	4-60	Od 60
1.	Starješina jedinice	1	-	-	-	-	-	-
2.	Starješina grupe	5	5	5	1	2	2	-
3.	Vatrogasac vozač	5	2	2	-	2	-	-
4.	Vatrogasac-serviser	2	2	2	-	-	2	-
5.	Vatrogasac	5	2	2	1	1	-	-
6.	UKUPNO:	18	11	11	2	5	4	-

Potrebno je napomenuti da određen broj "starijih" vatrogasaca nema potrebnu fizičku kondiciju, ne posjeduju sposobnosti za spašavanje sa visina, ne posjeduju sposobnost za evakuaciju povrijeđenih i za intervencije koje zahtijevaju teški fizički napor i gašenje požara na visokim objektima.

U 2014. godini u stalni ili privremeni radni odnos, nije primljen niti jedan vatrogasac.

4. OPREMLJENOST VATROGASNE JEDINICE

Vozila sredstva i oprema PVJ Tešanj

Tabela: 5

Red. Br.	Marka i tip vozila	Namjena vozila	God. proizv.	Sadržaj vozila			Starost Vozila (godine)
				Voda	Prah	Pjena	
1.	MAN 520	Auto ljestve	1962				53
2.	MERCEDES 2400	Navalno	1972	2500			43
3.	TAM-5000	Cisterna	1976	5000			39
4.	FAP-1616	Kombinovano	1981	4500	1000	500	34
5.	MERCEDES 5000	Navalno	1984	5000		500	31
6.	FIAT DUCATO	Kombi	1995				20
7.	BAGER	Radno	2003.				12
8.	ŠKODA ROOMSTER	Putničko	2010				5
9.	FORD TRANSIT	Malo navalno vozilo	2013	1000		100	1
10.	FORD RANGER	Malo tehničko vozilo	2013	150			1

Iz gore navedenog pregleda se može zaključiti sljedeće:

Vozni park ove jedinice je prilično star i u narednom periodu potrebno je uložiti dodatne napore na nabavci novih vozila. U 2015. godini je u planu nabavka vatrogasne cisterne kao prateće vozilo za snabdijevanje vodom na požaru i dostavu pitke vode stanovništvu, a ono što nedostaje je: vatrogasno šumsko/terensko vozilo, i određena zamjena postojećih vozila, te novije vatrogasne ljestve.

Sva ova vozila su tehnički ispravna i registrovana i redovno se održavaju ali potrebno je u prosjeku od 0,5 – 1,0 min. da se ona aktiviraju iz pasivnog u aktivno stanje (dok motor ne postigne odgovarajući radni pritisak zraka).

Kod servisiranja dolazi do problema zbog starosti i nedostatka rezervnih dijelova. Kako bi vatrogasna jedinica bila što mobilnija i efikasnija, vatrogasna oprema i tehnika mora biti pouzdana i sigurna.

Vatrogasna jedinica u 2014. godini po osnovu izlazaka na požar, i druge potrebe, prešla je sa svojim vozilima ukupno 35.783 km.

Za službu zaštite od požara nabavljena su dva gumena čamca za 6 osba. Jedan je ranije kupljen iz sredstava posebne namjene, a drugi čamac sa motorom dobili smo kao donaciju od udruženja građana "Građani i prijatelji Tešnja u Švicarskoj". Za navedene čamce kupili smo namjensku prikolicu i kupljena je oprema za ljude (posadu) koja upravlja čamcem kao spasioci i to : zaštitna odjeća, obuća, prsluci za spasavanje i kacige , kao i spasilačke prsluke za eventualno ugrožene osobe.

5. STANJE ZAŠTITE OD POŽARA

Tabelarni pregled intervencija gašenja požara u periodu 2010. - 2014. godina

Tabela: 6

Vrste požara	2010.	2011.	2012.	2013.	2014.
STAMBENI OBJEKAT	11	15	19	13	10
SAOBRAĆAJNI UDESI-POŽARI	6		5	6	9
POMOĆNE ZGRADE	2	5	8	8	4
ŠUMA I NISKO RASTINJE	5	62	84	13	15
POSLOVNI OBJEKTI	4	7	7	8	6
KONTEJNERI	3				
GUME I OTPAD	1	2	4	7	
SIJENO	1				
PLINSKA BOCA	1				
OSTALO	12	4			6
UKUPNO	46	95	127	55	50

Napomena: pod stavkom OSTALO je podvedeno sljedeće: požari trafo stanica, spašavanje unesrećenih, požari na javnim rasvjetnim stubovima i sve drugo što nije moglo biti svrstano pod jednu od ponuđenih kategorija.

6. ZAŠTITA OD POŽARA (PREVENTIVA)

a) APARATI ZA POČETNO GAŠENJE POŽARA

Vatrogasna jedinica Tešanj u 2014. godini servisirala je 8308 vatrogasnih aparata različitih vrsta i tipova aparata.

Stanje aparata za početno gašenje požara u određenom broju privatnih preduzeća, javnih ustanova i dr. nisu na zadovoljavajućem nivou: uglavnom je to manji broj aparata u odnosu na površinu objekta i požarno opterećenje objekta, u nekim preduzećima nisu pravilno raspoređeni ili je teško doći do njih zbog zakrčenosti prostora koji vode do njih.

b) HIDRANTSKA MREŽA

Prema članu 49. Zakona o zaštiti od požara i vatrogastvu (Službene novine Federacije BiH br:64/09), članu 43. Zakona o zaštiti od požara i vatrogastvu (Službene novine ZE-DO kantona br: 05/11) i prema Pravilniku o tehničkim normativima za vanjsku i unutrašnju hidrantsku mrežu za gašenje požara (Službene novine Federacije BiH br:87/11), „ **javno preduzeće ili drugo pravno lice koje upravlja vodovodnom i hidrantskom mrežom, dužno je pri izgradnji, rekonstrukciji i korištenju ovih mreža, osigurati propisni kapacitet i pritisak vode u hidrantskoj odnosno vodovodnoj mreži za potrebe gašenja požara,** tj. „ **javna preduzeća i druga pravna lica dužna su stalno održavati u ispravnom stanju hidrantsku mrežu, o čemu vode odgovarajuću evidenciju i o tome izvještavaju nadležnu profesionalnu vatrogasnu jedinicu**“, što je u konkretnom slučaju za javni vodovod nadležnost KP „RAD“ DD Tešanj , a mjesnih vodovoda Mjesne zajednice koje upravljaju istim ili preduzeća koja upravljaju.

Prema pregledu i kontroli hidrantske mreže za područje općine Tešanj, prikazujemo stanje hidrantske mreže za 2014. godinu:

Tabela: 7

Red. br.	MJESTO	BROJ HIDRANATA			VRSTA HIDRANTA	NAPOMENA
		ISPRAVNI	NEISPRAVNI	UKUPNO		
1.	Tešanj	20	2	22	Podzemni	Preostala 2 hidranta su u planu zamjene za 2015. godinu, u postupku je izdavanje saglasnosti za raskopavanje javne površine.
2.	Jelah	10	1	11	Podzemni	Neispravan hidrant na spisku za zamjenu.
3.	Jelah-industrijska zona Ciglana	4	1	5	Podzemni	
4.	Jelah-polje	3	/	3	Podzemni	
5.	Vukovo	3	/	3	Podzemni	
6.	Čifluk	2	/	2	Podzemni	
7.	Potočani	2	/	2	Podzemni	
8.	Miljanovci-Lončari	31	5	36	Podzemni	
9.	Miljanovci Novi	23	0	23	Podzemni	
10.	Piljužići	9	5	14	Podzemni	
	UKUPNO:	107	14	121		
VODOVOD „ROSSA” DOO						
11.	Novo selo	3	1	4	Nadzemni	

12.	Žabljak	1	/	1	Nadzemni	
13.	Rosulje	7	0	7	Nadzemni	
14.	Ljetinić	1	1	2	Nadzemni	
	UKUPNO:	12	2	14		
	SVEGA:	119	16	135		

Općina Tešanj je u 2014. godini sa JP "RAD" d.d. Tešanj potpisala sporazum o finansiranju nabavke i ugradnje 6 novih hidranata na lokacijama gdje su hidranti potrebni, a prema zapisniku i pregledu su neispravni i nisu se mogli popraviti. Do sada su zamijenjena 2 nova hidranta na lokalitetu Jelah polje, a za preostalih 4 se čeka dozvola za raskopavanje javnih površina.

7. ZAKLJUČCI I PRIJEDLOZI ZA POBOLJŠANJE RADA

U cilju objektivnog praćenja efikasnosti i efektivnosti civilne zaštite i profesionalne vatrogasne jedinice, potrebno je:

- Kontinuirano vršiti osposobljavanje Štaba civilne zaštite za obavljanje funkcije rukovođenje u uvjetima prirodnih i drugih nesreća,
- Nastaviti sa opremanjem, službi, jedinica i povjerenika.
- Redovno informisati javnost o obavezi provođenja preventivnih mjera, radnji i postupaka u okviru provođenja lične i uzajamne zaštite građana.
- Nastaviti popunu Službe civilne zaštite, sa akcentom na popunu Profesionalne vatrogasne jedinice u skladu sa Pravilnikom i budžetom
- Kontinuirano planirati nabavku vatrogasnih vozila, opreme i drugih materijalnih sredstva, prema potrebi Vatrogasne jedinice i u skladu sa finansijskim mogućnostima,
- U saradnji sa JP „RAD“ DD Tešanj po prioritetu Vatrogasne jedinice osim održavanja i ispitivanja gdje je neophodno, instalirati nove hidrante u skladu sa finansijskim mogućnostima,
- Nastaviti sa edukacijom profesionalnih vatrogasaca sa posebnim akcentom iz specijalističkih oblasti zaštite i spašavanja,
- U narednom periodu nastaviti sa podrškom jačanju i osposobljavanju dobrovoljnih vatrogasnih jedinica formiranih u dobrovoljnim vatrogasnim društvima.

OBRADIVAČ:
POMOĆNIK OPĆINSKOG NAČELNIKA
U SLUŽBI CIVILNE ZAŠTITE

Mensur Saletović, prof.

PREDLAGAČ:
OPĆINSKI NAČELNIK
Mr. Sc. Suad Huskić, profesor

Datum: 03.04. 2015.godine
Broj:02-44-5-423-10 /15